

Carmelia Mathiuet - Hitz

La Carmelia ei naschida ils 13 d'ost 1950 a Sedrun. Ella ei stada il sisavel affon dad otg affons da Rosa e Sep Lorenz Hitz. Ensemen cun ses fargliuns ei Carmelia carschida si a Sedrun ed ida leu ella scola dil vitg. Ella era in affon zun marveglius e vuleva adina saver tgei che cuora e passa. Sco pintga buobetta era ella seserada en en sia stanza. Siu bab Sep Lorenz haveva declarau co ella stuess menar anavos cun la clav. Ella ha rispundiu che «Pulens» sco ella numnava siu bab che lez duei far ei. Lez ha lu liberau ella ord quella precara situaziun entras rumper en ina finiastra dalla stanza.

Cun 17 onns eis ella ida a Glion ed ha luvrau leu sco tgirunza el spital. Pli tard ein lu era sias soras Anna - Tresa e Desideria suandadas a Glion e luvrau el spital en in'otra partiziun. Suenter in temps da lavur ei Carmelia turnada a Sedrun ed ha luvrau el vegl Coop.

Cun 21 onns eis ella maridada cun Guido Mathiuet da Sumvitg / Cumpadials ed ils dus giuvens consorts ein secasai en lur emprema habitaziun a Rabius. Ils 28 da november 1972 ei lur plascher secumplenius entras la naschientscha da l'emprema feglia Dagmar el spital da Glion. Suenter quella naschientscha haveva la Carmelia in cert schar enrescher per Tujetsch ed aschia ei la famiglia secasada a Camischolas suenter in onn e miez ed igl onn 1975 han Guido

e Carmelia saviu surprender la casa partena a Gonda.

Ils 31 d'ost 1976 ei lu la secunda feglia Tanja naschida, medemamein el Spital a Glion, naturalmein in secund grond plascher pils geniturs.

Ils suandonts unviarns ha il Guido luvrau a Caschinutta ed era mo alla fin dalla jamna a casa e quei unviern ei staus per Carmelia ulti stentus.

L'entschatta 1986 eisi vegniu diagnosticau tier la buoba Tanja da mo 10 onns in tumor el tshurvi. Ina tresta nova pil bab e la mumma. La Tanja ei stada in miez onn en l'Uni-clinica a Turitg. Deplorablamein ha la medischna buca saviu gidar e la buobetta ei morta la stad. Ils parents da Guido che habitavan a Turitg han segidau cun la famiglia duront quei grev temps. La Dagmar era bia tier sia tatta che habitava en la habitaziun dasperas che era colligiada entras in esch el corridor.

(N.V. Jeu saiel aunc oz buca emblidar il text pil necrolog dalla Tanja che haiel giu scret, veramein pli che trest e che la defuncta Carmelia ha schazegiau adina puspei)

Per secumblidar dalla greva frida ha Carmelia puspei entschiet a luvrar, quella ga el Volg ed il cuntact cun la glieud ha gidau la Carmelia dad acceptar quella gronda sperdita.

Igl onn 1988 ha siu um Guido giu in infarct dil cor nua che la capavla sama-

ritana Carmelia ha saviu dar igl'em-
prem agid. Muort quella attacca ein els
dus stai in meins a Gais a far cura.

Igl'onn 1999 ha lur feglia Dagmar giu
nozzas, cun siu amitg da biars onns,
Hans Peter Bühler da Cuera, a Sedrun.
Ils 19 d'october 1999 ei lur'empre
af-fon Noemi naschius ed ils 25 da fevrer
2003 ei lu Nando suandaus, in grond
plascher per tat e tatta. Grond plascher
haveva Carmelia cura che la giuvna
famiglia fageva vacanzas a Sedrun. En-
semen mavan els cun skis, viandavan,
passentavan bia temps el bi curtgin e
devan giugs en cuschina. In carezau
proverbi che Carmelia scheva adina
tier «Eile mit Weile», «tgi ha dad ir?»

Cun bia carezia e pazienza ha Carme-
lia tgirau a casa il Guido suenter ina
greva e cumplacada operaziun dil cor,
tochen ch'el ei serecuvraus stupent ed
ha puspei saviu segidar el tener casa.

Carmelia, in carstgaun emperneivel

El vitg mava buc in enconuschent spe-
raso a Carmelia senza in cuort discuors,
in legher verset ni in salid positiv. Ella
enconuscheva quasi tuts en Tujetsch e
tuts enconuschevan ella. Oravontut cun
siu biadi Nando saveva ella surpender
il domini cun dir: «Dislu, Sec Mariona,
Prima Catrina, ds Sedrun wirsch brun»
Tochen tier sia pensiu ha la trapassa-
da luvrau biars onns el Volg, Coop e
Denner Satelit. Era sche la lavur era zun
strentga, schazegiava ella il cuntact
cun ils clients, amitgs/as ed enconu-

schents. Tier la lantschada dalla Coop
Supercard era la Carmelia la respon-
sabila dalla Supercard che declarava il
niev sistem.

Grond plascher fageva il curtin ad ella
nua ch'ei vegneva semnau gl'empre
flurs e pli tard legums. Muort siu enga-
schi sco hortulana era ei en curtin avon
sia casa naven dalla primavera tochen
igl'atun adina dad admirar las bein
carschidas gelgias, flurs sulegl., Greflas
tgiet (Rittersporn) ed autras bellezia
flurs.

La Carmelia era zun activa el sport,
gl'empre el club da gimnastica, lu
el club da tennis, pli tard far bogn e lu
il Yoga. Suenter il sport el club saveva
Carmelia buc ir el restaurant, damai
che sia carezada seria Dallas vegneva
en la televisiun nua ch'ella leva mai
schar naven ina seria.

Las vacanzas passantava Carmelia il
bia cun sia famiglia a Sedrun. Denton
mintgatun mavan ella e Guido el lon-
tan e quei al Gardasee cun sia feglia
Dagmar, el Tessin cun sia sora Anna
-Tresa e gl'um Linus ni cun la famiglia
dalla feglia Dagmar en la Terchia. Bia-
las regurdientschas havevan Carmelia
e Guido era da lur viadis cun Sur Alexi
a Malta, Ruma e Portugal.

Ils davos onns ha Carmelia adina pli
pli savens giu problems da sanadad e
quei entras il schui operau e la Sklero-
dermia che ha era limitau il moviment.
Magrad quei era Carmelia adina aunc
fegz activa, haveva adina da trafficar



enzatgei en ed entuorn casa e gudeva pauc temps per seruassar. Dapi Nadal ha ella giu ina mulestusa tuos che ei buca vegnida meglier entras ils medicaments perscrets. La miedia dunna Dr.Schnabel ha perquei fatg igl avrel in maletg radiografic sil qual ei era da veser ina umbriva sil lom. Suenters differentas e zun strentgas retschercas ha Carmelia obteniu ils tschun da matg la diagnosa dil cancer dil lom. Suenters treis jamnas dimora el spital e duas operaziuns era ei alla fin da matg clar ch'il cancer seigi nuncurabels. Suenters la stabilisaziun e l'emprema convalescenza dallas operaziuns ha il survetsch social dil spital cantunal anflau in «letg da residenza» en il centrum Steinhäuser a Sursassa per in tractament palliativ. Leu ei Carmelia el meins da zercladur serevegnida dils strapazs e haveva bia visetas oravontut da siu um Guido,

sia feglia Dagmar, dils fargliuns ed auters parents ed enconuschents, dils quals ella selegrava adina.

El meins fenadur mavan sias forzas da viver pli e pli anavos tochen ch'ella ha astgau sedurmentar per adina ed anflar il ruaus perpeten.

Cheu lessel scriver il text della Carmelia e quei sin tudestg:

Wenn ihr mich sucht, sucht mich in euren Herzen.

Habe ich dort eine Bleibe gefunden, bin ich immer bei euch

N.V. La sepultura dalla Carmelia cun ina baselgia fullanada ha mussau claramain con schazegiada e carezada la defuncta ei stada.

(text scret per tudestg da Hanspeter Bühler, schiender da Carmelia, translatau da Norbert Vinzens).